

MINISTARSTVO ZA ODGOJ I OBRAZOVANJE KS
INSTITUT ZA RAZVOJ PREDUNIVERZITETSKOG OBRAZOVANJA KS
JU ' DJECA SARAJEVA'

U Sarajevu , 16.03.2025 god.

PREDMET: ZASTUPNIČKA INICIJATIVA 20. RADNA SJEDNICA

Upućujem inicijativu radi izrade i donošenja Pravilnika o ishrani djece predškolskog uzrasta u Kantonu Sarajevo

Obrazloženje:

U Kantonu Sarajevo ne postoji Pravilnik o ishrani djece predškolskog uzrasta (od 6 mjeseci do 6 godina), dok istovremeno postoji Pravilnik koji reguliše ishranu djece u osnovnom i srednjem obrazovanju (Pravilnik o ishrani učenika u osnovnim i srednjim školama Kantona Sarajevo, Službene novine F BiH broj 35/05) i s tim uvezi otvaraju se brojna pitanja od značaja za zaštitu zdravlja i nutritivnih potreba djece:

1. Koji organ ili institucija trenutno utvrđuje da li jelovnici u predškolskim ustanovama ispunjavaju sve nutritivne potrebe djece ovog uzrasta?
2. Na osnovu kojih zakonskih i podzakonskih akata se trenutno kreiraju jelovnici u predškolskim ustanovama, s obzirom na nepostojanje relevantnog pravilnika?
3. Da li se izrada i odobrenje jelovnika prepušta prehrambenom tehnologu i ako da, na osnovu kojeg pravnog osnova?

Ko je po važećim zakonima Federacije Bosne i Hercegovine nadležan za kreiranje, odobravanje i kontrolu jelovnika u predškolskim ustanovama, te da li su predviđene izmjene propisa kako bi se regulisalo ovo pitanje?

Napominjemo da prehrambeni tehnolog je stručnjak koji se bavi proučavanjem, razvojem, proizvodnjom, kontrolom kvaliteta i bezbjednošću prehrambenih proizvoda. Njegov posao uključuje:

- Razvoj novih proizvoda – kreiranje novih recepata i poboljšanje postojećih proizvoda;
- Kontrolu kvaliteta – praćenje sastava, svježine i usklađenosti sa standardima;
- Bezbjednost hrane – obezbjeđivanje da su proizvodi bezbjedni za konzumaciju, uz primenu HACCP sistema;

- Proizvodni proces – optimizacija tehnologija prerade hrane (termička obrada, konzerviranje, fermentacija, pakovanje);

- Regulative i standarde – praćenje i primjena propisa u prehrambenoj industriji.

Tehnolozi za hranu rade u prehrambenim kompanijama, laboratorijama, kontrolnim organima i istraživačkim institutima. Po smjenicama Svjetske zdravstvene organizacije, prehrambeni tehnolog, nije ovlašten da samostalno kreira jelovnike za djecu predškolskog uzrasta bez definisanih zakonskih smjernica i pravilnika.

Marijela Hašimbegović dia

zastupnica